

洞真太微黃書九天八籙真文

墨

玄都交帶訣

太微八會上帝書上撰飛玄紫炁之字諷其文以攝萬邪佩其字以遊九天威六國萬神奉而衛之宿命得受此道者可以遊五嶽入三清厭不祥太微中有三皇一帝皇者君之軍輔一曰皇君二曰皇天三曰皇老此即三元之炁混沌之真出入上清太素太和之宮天真三皇藏八會之文於委羽太微天帝藏一通龜山刻於青石室中

玄都僊王昔受之於太微三老皇併襟密授僊人因名之曰交帶真文皆從師受此道金五兩儀水一領結帶為信盟重其道祕其文也

西城王君昔受之於龜山王母因名之曰太微黃書或曰九天八籙傳非其人三祖尸滅殃流子孫

諸得有交帶真文者已有生名於太微宮中者上下逆順四面皆成字也入山遊五嶽及夜卧恒能諷之於口猛獸千祇萬邪不敢犯

試子也佩之左肘可遊六國制天下厭萬兵上下四往皆成列行以青縉為地黃筆書佩之左肘得見太平金闕皇君吾欲使鬼神自服五字從上下行起五年則役使鬼神
太微黃書凡有八卷太微天帝之太上

太微八垣四門高上經第一

太微九靈中華紫素經第二

太微玉虛寶章經第三

太微玉室寶雲中耀第四

太微三炁九變水火母第五

太微中神五道步空飛行第六

太微石景金陽素經第七

太微九天八籙真文交帶文第八

若太微黃書八卷其第一第二第三第四

不行於世其第五第六第七傳當為真人

其第八此則是也當傳宿命當為信人者

自非棲研遠尚好僊信真之人皆不得妄

傳妄傳則三祖受刑於水官

若發應感宜可傳者付之并告以要言有

之者神僊

洞真太微黃書九天八籙真文
此處展示了書中的一些符號或咒語，以篆書或古體書寫，排列成行。

明聖智質瑞得此三行乃使鬼神杜郵貴慈
得十三行使天下神徐先得五行服之三年
使十四鬼取天下物真人於赤城山中授許
遠遊遠遊傳授弟子思玄第二子道翔

太上黃中聖氣九微玄城

精既太和主命永無逝元
天長算靈侍愛中元上真
來監入上元赤子總延生
下元丈人使千靈玄上飛
真主養生高上元君益天
精紫微朱宮稱太平猛獸
册衛爾形驅我九口長牙
天力四目首吞虎平河食
金柱八風吹海張炎叩僮
山焦禽刺擊齒街蛇翼天
顛牙父八文蛟早踏辰斗
抗丘走萬馬牙斧猛目咬
石街豹舞獅子金頭食鬼
荀張山栢地雷鳴戰電天
牛城山賦踊百虛行飛走

附張禽在我備爾神長益
杰命付魂行海及丘山使
天獸從爾身上真丈人
保長生得神德登九微玄
右太微黃書文帝文以
青精為地神黃書之

洞真太微黃書九天八錄真文

正一天師清微弟子 洪百
道教學術資

太玄八景錄

果大

上皇元年九月二日復聖李君出遊西河歷
觀八方值元始天王乘八景玉輿駕九色玄
龍三素飛雲導從群僊手把華旗獅子白鶴
嘯歌邕邕浮空而來同會西河之上李君稽
首請問天王昔蒙訓授天書玉字二十四圖
雖得其文未究妙章雖有圖讚而無其像修
之菴靄妙理難詳今遇

天專喜慶難言願垂成就極其道真於是使
清齋十日五香薰體東向服符子形神備見
自當洞達諸疑頓了李君稽首奉承教旨具
依天儀長齋十日東向服符三部八景神並
見身中金書玉字二十四圖空中而明文絲
光鮮洞徹無窮羅縷自然是時即命主圖上
僊而畫圖焉金書紫字玉文丹章於此成音
自南極上元九光太真王夫人東西二華南
北真公五徽神僊清虛真人所受真文並是
後聖所畫圖像而各係之焉

真人沐浴東井圖 上都華
真氣

天河灌東井 石景水母精 圓光拂靈曜